





第一三六四册

四庫全書

●上海古籍出版社

本冊目次

兩宋名賢小集(三)

舊題
宋陳思編
元陳世隆補……………一

柴氏四隱集

宋柴望等撰
柴復貞輯……………八七一

欽定四庫全書

集部

兩宋名賢小集卷二百四十五
四十六

評校官中書_臣孫溶

助教_臣常循覆勘

總校官編修_臣王燕緒

校對官助教_臣汪錫魁

膠錄監生_臣朱思

欽定四庫全書

兩宋名賢小集卷二百四十

宋 陳思 編

元 陳世隆 補

靜軒詩集

徐鹿卿字德夫豐城人嘉定十六年進士調南安軍

學教授辟福建安撫司幹辦公事都城火鹿卿應詔

上封事言積陰之極其徵為火指言惑嬖寵溺燕私

欽定四庫全書

兩宋名賢小集
卷二百四十

用小人三事尤切改知尤溪縣德秀守泉辟宰南安

德秀尋帥閩疏其政以勸列邑歲饑處之有法最聞

令赴都堂審察以母喪去詔服闋赴樞密稟議首言

邊事遷國子監主簿入對陳六事理宗嘉納改樞密

院編修官權右司贊畫二府會右史方大琮編修劉

克莊正字王邁以言事黜鹿卿贈以詩言者併劾之

太學諸生作四賢詩知建昌軍治行大孚田里歌誦

擢度支郎官兼右司入對極陳時弊改江東轉運判

官歲大饑出本司積米三千餘石減半價以糴及減
抵當庫息出給錢萬有七千以予貧民兼領太平仍
暫提舉茶鹽事移浙東提點刑獄加直秘閣兼提舉
常平經界釀地先撤相家所築就捕者自言我相府
人鹿卿曰行法必自貴近始卒論如法丞相史彌遠
之弟通判温州利韓世忠家寶玩籍之鹿卿奏削其
官後累擢皆辭淳祐三年以右司召猶辭丞相杜範
遺書迺出擢太府少卿兼右司入對願早決大計上

欽定四庫全書

南宋名臣小集
卷二百四十

嘉納之遷右文殿脩撰知平江府兼發運副使力勾
祠上諭丞相挽留之召權兵部侍郎固辭上令丞相
以書招之鹿卿至又極言君子小人切於當世之務
上眷遇深篤而忌者浸多有摠偽託鹿卿以傳播
歷詆宰相至百執事鹿卿初不知也遂力辨上前因
乞去上曰去則中姦人之計矣令臨安府根捕事連
勢要獄不及竟遷禮部侍郎累疏告老授寶章閣待
制知寧國府而引年之疏五上不允提舉鴻禧觀遂

致仕進華文閣待制卒贈四官鹿卿居家孝友喜怒
不形恩怨俱泯宗族鄉黨各得歡心居官廉約清峻
毫髮不妄取一廬僅庇風雨所著有泉谷文集手編
漢唐文類文苑菁華諸書諡清正

酬張直學

章水元通劍水流錫來庠序行同遊自從快蹋梅花雪
一洗從前弟瘴秋官況我今忘獨冷鳴聲君合起相酬
龍光自有張華識句不驚人未便休

欽定四庫全書

南宋名臣小集
卷二百四十

酬黎丞見和

極目龍門峻接天仕途傾蓋便忘年太平官府閒吟竹
勝處園林笑舉鞭松栢凌霜知獨後樓臺得月會居先
老臣憂國誰能識飛雪飄飄上鬢邊

士友見和七月七日曝書依元韻謝之

寒儒家世派南州天遣芹宮並俊遊銀水章江千里月
天孫河鼓一番秋曬書舊事聊同郝聯句新聲恐類侯
隔歲槐黃頻入夢曾知山角已生不

護法寺勸農呈史君

半載分符江水西何曾一日事遊嬉忽聞千騎傳呼曉
正是三春勸相時父老倚鋤聽號令兒童騎竹望旌麾
東風蹄路歡聲滿野草閒花索賦詩

興教寺勸農呈史君

自從幽雅無傳後漢有龔黃宋有羅夙駕朱轡勤勸相
奉宣黃紙放催科一犁煙雨郊原曉千里春風嶺嶠和
看取便民橋下水滿江濃綠漲恩波

欽定四庫全書

兩宋名賢小集
卷二百四十

湛泉酌餞黎丈有詩壁間遂次其韻

幾人林下賦歸休公獨翩然汗漫遊味道不妨寒似水
入時須用曲如鈎從來鄰父邀皆去底事官曹挽不留
後夜相從那復得月明千里故山秋

陳府判邀遊梅閣

東嶺蒼蒼古復今公餘杖履愜幽尋兩崖峭壁風霜骨
一片清泉佛祖心靜浣世緣揮酒棹更添春色上梅林
冥搜翻覺詩情拙滿眼皆詩祇用吟

勸農上宮教

竹馬兒童喜欲狂循良太守似龔黃倉庚百啭鶯桑敗
布穀一聲稂稂稻香耕鑿盡陶甌國化嬉遊已徧舜民鄉
文書便合登高閣為說東郊入務忙

愛山堂二絕

橫江江上四山環少得當前面勢寬試上此堂舒遠目
疎林靜處見峯巒

自有堂來三換扁官居賢否只山知醪醕嫵媚今何許

欽定四庫全書

兩宋名賢小集
卷二百四十

山色清妍宛舊時

和杜子野湛泉詩來詩有塵事分清事之句

榕陰漠漠俯清泉淺溜涓涓不計年未必塵紛敗佳思
凭欄得句却天然

鬱孤洞天

夢跨長虹海上遊寒生肌骨一壺秋好風吹得詩魂醒
自寄人間翠玉樓

湛泉送客

中年懷易惡更聰斷腸聲多謝雙榕樹逢人管送迎

欽定四庫全書

兩宋名賢小集
卷二百四十

兩宋名賢小集卷二百四十

欽定四庫全書

兩宋名賢小集卷二百四十一

宋 陳思 編

元 陳世隆 補

蘊軒外集

楊備字修之建平人億之弟慶歷中為尚書虞部員外郎分司南京上輕車都尉有姑蘇百題金陵覽古詩

欽定四庫全書

兩宋名賢小集
卷二百四十一

烏鵲橋

在長洲縣東以烏鵲館得名

月滿星移水照天南飛烏鵲影翩翾雖然上屬牽牛不為牽牛織女填

雙蓮堂

雙蓮倒影面波光翠蓋風搖紅粉香中有畫船鳴鼓吹簫然驚起兩鴛鴦

金陵覽古雜詠十首

汝南灣

汝南王昔過江東北地名將汝海同玉律濯來人易醉

有時人面照花紅

澄池

春條拂岸柳如金一鑑澄空照底深
傍見龍舟藉袍影

分明紅日在池心

九日臺

甲光如水戟如霜御酒半浮菊半黃
東日西風滿天仗

簫韶一部奏清商

欽定四庫全書

和宋名賢小集
卷二百四十一

桃葉渡

桃葉桃根柳岸頭獻之才調頗風流
相看不語橫波急

艇子翻成送莫愁

幕府山

六代繁華一瞬間平蕪遠樹不勝閒
倚樓天暝雲如幕

如是瑯琊幕府山

橫塘

早潮纔過晚潮來一一軒窗照水開
鑑面無塵風不動

分明倒影見樓臺

白都山

駕鶴駢鸞自古聞策名仙籍是真君
天邊舊跡無尋處

滿目青山空白雲

春磻

手拖葛屨坐藤牀竹樹蕭然一水旁
枕上白雲船下月

卜隣東磻勝東岡

烏衣巷

欽定四庫全書

和宋名賢小集
卷二百四十一

人物風流往事非空餘陋巷作烏衣
舊時簾幙無由覓

祇有年年新燕飛

白鷺洲

春信風生晚汎潮印沙羣鷺立還朝
凭高一片迷人眼

蘆葦叢邊雪未消

陸機宅

陸家兄弟頗能文八洛仍將筆硯焚
舊宅荆榛狐兔窟

機雲無復有昆雲

天關山

牛頭天際碧凝嵐王導無稽亦妄談若指遠山為上關
長安應合指終南

青溪姑

最不乘龍即跨魚岸旁人復乞靈無柳如眉黛花如面
聞說清溪一小姑

青溪祠

傾城傾國兩妃嬪此地聞名不見人潛想舊時紅粉血

欽定四庫全書

兩宋名賢小集
卷二百四十一

落花風裏步香塵

江令宅

竹木池臺高儼然歸時頭鬢雪霜寒青溪隱隱朱門處

曾屬中書一品官

兩宋名賢小集卷二百四十一

欽定四庫全書

兩宋名賢小集卷二百四十二

宋 陳思編

元 陳世隆補

翠微南征錄一

華岳字子西為武學生輕財好俠韓侂冑當國岳上
書云云書奏侂冑大怒下大理貶建寧園土中郡守
傅伯成憐之命獄卒使出入毋繫伯成去又迓守李

欽定四庫全書

兩宋名賢小集
卷二百四十二

大異復寘獄侂冑誅放還復入學登第為殿前司官

屬鬱不得志謀去丞相史彌遠事覺下臨安獄獄具
坐議大臣當死寧宗知岳名欲生之彌遠曰是欲殺
臣者竟杖死東市

歸釣吟

我生本是絲綸客嘗把絲綸釣王國膠庠雖識姚有真
載車未過周西伯抱琴歸去古江邊江頭風月猶依然
江風刮岸岸如削江月照人人未眠沙平浪靜江天濶

換酒捉魚魚潑刺有時醉挽和月吞有時醉棹和烟撥

或唱歌或吹笛款乃宮商人識歌聲喚徹烟水寒笛

聲清透雲霄碧不張帆任渠去去到雲山深處住雲山

深處有畫圖添箇雲山畫圖侶不撥棹任渠流入入玻

璃影裏頭玻璃影裏迸珠玉千斛萬斛誰能收倦時眠

醉時舞漁家自有神仙府睡時蝴蝶夢莊周舞處鷗鷺

姿韶武自舉歸釣吟清江漠漠烟沉沉雲藏萬壑暗水

尾風吹孤月搖天心翠微父翠微父和我行歌進南浦

欽定四庫全書

南宋名賢小集
卷二百四十二

畫橋流水抹晴烟殘照暮霞收宿雨水連天天似水一

蓑活計誰能比楓葉飄霜鱸膾香揚花飛雪河魴美也

不學姜太公百年將至方非熊會須年少遇真主板我

諸夏車書同也不學嚴子陵雲臺不為魴殊勲中興只

作釣臺侶胸中百萬知無兵我網不似漠漠網何太疎

也曾漏却吞舟魚何當周密如樞機直欲纖悉皆無遺

我釣不似呂呂釣何太直除却文王有誰識爭如猛曲

一彎腰牽取星珠并月璧魚膠寒齒折蒿別蟹螯刺指

和龍烹屠龍狂鼎口不美斷鯨斫炙腸聊撐

記夢

溪冷冷鼓瑟襲虛堂浙港生寒風寒風絳我夢魂去飛

颺直上蓬萊宮蓬萊宮殿女如玉霓裳羽扇環簾櫳月

娥留我宴珠翠玳筵間列花叢叢酒酣萬念羅心胸舉

盃話別殊忽忽青鸞命駕下空濶一聲瑤珮鳴丁東被

衣起坐周四顧庭戶悄悄無人蹤銀河萬里倒澄碧水

鑑半輪斜倚空橫江孤鶴一聲喚喚起鄉心千萬重

欽定四庫全書

南宋名賢小集
卷二百四十二

上韓平原

君家動業在盤盂莫把頭顱問錫鑊漢地不埋王莽骨

唐天難庇祿山軀不隨召典始求老便學孔明終托孤

十廟英靈儼如在漫於宗社作穿窬

清富樓

楞伽心地有瞿曇清富名樓足可觀買斷江山詩料俗

揭開風月畫圖寬都無一點紅塵到便作千雙白璧看

我欲鞭驢快幽賞白鷗盟在不憂寒

去年清富屢求詩今日凭闌約翠微
山帶野花堪入畫
水環汀草欲成圍一園黃菊有餘食
兩頃白雲無限衣
說與塵寰守錢虜不勞魂夢到禪扉

矮齋

屋老塵生索椽低帳不嫌炙燈烟
染棟見客帽翻簷織
壁慳三尺遮門斷半簾吾身交九
四控制萬愁兼

客勝

具體功非遠全軀恨已消安禪
須促趺覓句敢成搖悔

欽定四庫全書

南宋名賢小集
卷二十四十二

不身兼足時當事半腰行人只蒲
伏何處得逍遙

野飲呈祝山甫

野景何須買山花不待培養天分
古木栖地得蒼苔酒
上鶯調曲看空鵲墮梅一壺隨所
遣何處問蓬萊

題練省元壁

脚債嗟猶欠心朋喜偶逢溪聲含
客怒山色為誰濃古
樹晴搖蓋殘蟬晚帶鐘莫辭一樽
酒明日是吳儂

讀漢史

漢將假帝為真帝齊乞真王作假王
大抵紀韓皆是信
不知誰短又誰長

寄王五四將仕

李叔青天轟霹靂屈原平地溺波
濤從教晉楚多戕賊
二子何曾損一毫

周田且謂曾占易商野何嘗識漢
書假使二君無感召
不成終老在樵漁

出郭

欽定四庫全書

南宋名賢小集
卷二十四十二

五

十客聯鑣出北門馬蹄剗盡碧苔
痕從教管史占星駭
且聽孟人和月吞我欲求仙問離
坎君當隨佛整乾坤
樽前恍慨休辭醉明日有懷誰共
論

有地都來一大餘墾鋤元不費工夫
匝牆先種竹三本
遠檻却栽花數株風伯喚來煩解
珮月娥邀得醉攜壺
憑君試向蓬萊問還有神仙似我
無

送周魁

昨夜霜風鼓萬兵今朝華節照邊
庭人間元日是春日

天上魁星為使星且向虎囊探尺寸却歸麟閣做丹青
離觴不是延清夜明日異邦長短亭

梅

衰蘭枯荷了秋色幾向寒梢問消息溪橋交馬斷腸時
翠袖佳人日暮歸玉面亭亭漢宮樣一見風流慰心賞
寒標孤絕太無情誰為移春上玉京月華淒切霜華白
夜半飄香度簾額寄聲橫笛且休吹愁殺江南未歸客

山水吟

欽定四庫全書

南宋名賢小集
卷二百四十二

六

閩之山峨峨可以接穹蒼閩士孕其秀胸次尤難量閩
之水滔滔可以燭妍醜閩士生其間其美不容口君不
見周家社稷生甫申崧岳當年曾降神又不見千里秀
氣鍾三蘇眉山草木皆焦枯我生恨不由河洛虛負三
光并五嶽地靈人傑推江東人物風流兼磊落顧此閩
之東自古多英雄求其為絕稱獨一忠穆公公今已即
世後世誰可擬惟有詹仲通一人而已耳仲通何如人
景星與鳳凰不陰亦不深山高兮水長

二月二日即事

春潮昨夜沒平灘一雨催花色半含雁喚元宵歸塞北
燕銜新社到江南無歡不必遊花籍有病何須置藥籃
只把公忠答天地從教兒女鬧冠簪

登樓晚望

六曲朱闌瞰碧虛淡烟秋水接平蕪展開風月添詩料
紫點江山歸畫圖舉足便堪馳駟馬折腰何必問雙鳬
當年庾亮今還在定約樓前醉一壺

欽定四庫全書

南宋名賢小集
卷二百四十二

七

訓爨婢

十載膠庠莫怪窮旅囊安得有從容無錢休欠牛羊債
有酒只將魚鱉供班領昔嘗肥似燕沈腰今已瘦如蜂
從今莫恣肥甘口只掬清蔬餐養龍

別益詳道

君在江東我水西君今北去我南歸竹孫和客凌風瘦
梅子偏他得雨肥鶯轉好聲歸酒罍花分紅影上人衣
相看莫作皺眉別期子秋高賦式微

傷春

初入京華薦薦香途中今已過春芳十年恰走萬餘里
兩鬢幾乎一半霜却酒不禁春點淡落花愁對月昏黃
不堪夜半歸心切更被杜鵑啼斷腸

約叔叔真

半間屋抵斗來大一箇身同山樣高側坐斜眠俱不得
煩君除去一牛毛

庀堂有事留司馬凌閣無名問大宗我且盤桓君且去

欽定四庫全書

馬家名賢小集
卷二十四十二

歸期千載約芙蓉

題窗間

陽貨不名真益玉子張何事便書紳聖賢立論有微旨
精義當求妙入神

浴

龍藩地暖冬無雪十月風光似三月好風不動綺羅塵
人在繡幃簾半揭酒腸拍索能回春春潮入面香熏熏
香肌汗透披紋思得滄海驅埃氛銀鍋解眼生春雪

銀瓢招破鍋心月流霞傾入碧琅玕香霧氤氳雲半掇

花藤織出金芙蓉烟青闌紫堆雲闌一聲瑤珞簾鈎垂

皂盤捧出雙明珠蠟花照入蘭湯閣珠璣體迸紅貌活

鳳谿雲濤濯錦毛龍翻雪浪澆銀甲起竿裙霧圍春風

旌巾抹出堯花紅香泉入齒漱寒玉吐作水雪飛長空

蒼頭急把春衫換腕玉輕穿雲一片出門兩腋生清風

身在嫦娥廣寒殿

嘲熱

欽定四庫全書

南家名賢小集
卷二十四十二

九

南方有神名祝融髮赭面丹唇朱紅執鞭入海驅赤龍

火車勒駕燒長空千驂萬乘如聯轡烈焰騰騰灼天地

九霄烜赫皆甑蒸四海煎熬俱鼎沸流金燂石氣不通

天下俱在紅爐中葛衫襟襟疑有雨羅紈柄折渾無風

祝融祝融無太酷天道炎涼常反覆看看少昊催戍瓜

盡把涼廳散煩滯

別子陳子

丙寅三月三十日天子撒我南國行蒲劍欲飛春漲急

柳綿才脫曉寒輕事非得已初何好物到不平終作聲
自古英雄總多難落花何必怨清明

河純

形容初不類魚鰕偏稱蘆蒿與荻芽觸物可憐空怒腹
鬻人無計漫聾牙子排金粟真堪畏乳溜玉酥何足誇
從此烹鮮督庖吏只將鮎鰕假名他

自嘆

自嘆身謀我獨疎只貪風月恣歡娛
盃盃盤盤遇客隨多寡

欽定四庫全書

兩宋名賢小集
卷二百四十二

十一

囊底何時問有無萬里梯航無骨董十年牆屋有穿窬
從今老去無他望綠綺一張醪一壺

春日書懷

紫褪紅消到海棠幾多遊俠為渠忙秋聲落盡鶯調曲
春色惱人花鬪香幾乳雖能屈蘇武牛衣終不卧王章
男兒多少英雄氣只對東風醉幾場

兩宋名賢小集卷二百四十二

欽定四庫全書

兩宋名賢小集卷二百四十三

宋 陳思 編

元 陳世隆 補

翠微南征錄二

華岳

宣城道中

躍馬上宣城千山翠欲擊蕙風輕卷舌櫻雨細沾唇柳

欽定四庫全書

兩宋名賢小集
卷二百四十三

十二

絮難驅臘榆錢不買春何如澆一斗爛醉石湖濱

當途道中

春晴不忼慨十日九清陰蝶宿花留粉鶯眠柳借金邊
塵方障眼漢壁尚關心醒去愁無奈盃盃行滿滿斟

壽昌道中

山斷疑無路林開覺有村饑牛戀茅瓏吠犬護柴門
去詩千首愁來酒一樽明朝南去路懷抱與誰論

過西溪

路隨馬足難知數山疊魚鱗不記名隔岸青帘人不渡

一溪流水暮潮生

題蓮華壁間

風外落花千萬片水邊啼鳥兩三聲無情驚起陽臺夢

獨倚閒窗看月明

贈呂元杞

周末見人歌采芑楚先聞客賦離騷胸中有氣不能吐

空使虹蜺萬大高

欽定四庫全書

宋名賢小集
卷二百四十三

釣鼈行

北風浩蕩滄溟濶千萬軍聲夜潮聒翻空濁浪鼓雷霆
舟子停蘭面如血龍門有客何崢嶸怒目張膽殊不驚
桅檣破浪裂津島直欲一舉空蛟鯨我之釣兮非世比
新月為釣索霞綺先物虹蜺為釣竿却把鷗鵬作香餌
欲垂未垂號鬼神星斗無光天地昏海靈乞命免生死
一釣連六酌銜恩我公萬里風烟伯度量汪洋寒海窄
蟠胸高聳蓬萊山壯氣直吞雲夢澤恩波萬壑奔洪流

風帆浪楫交舳舻金鱗照日巨如斗四海觸物無虛舟

我生本是釣鼈客幾歲灘頭望風色忽聞霹靂破霓旛

便整絲綸駕航舶我今十犢迎公開會須舉手生風雷

不然長嘯謝水府明月滿船歸去來

上趙漕

太山之巔有喬松凜凜千丈摩蒼空風雲有會直相際

轟雷掣雷蟠蛟龍盤根錯節真天種卿月郎星伴辰拱

高風蕭瑟涕清泉桃李無言漫丘壘南宮仙桂饒天香

欽定四庫全書

宋名賢小集
卷二百四十三

南國蔽節歌甘棠大枝擎天作砥柱小枝駕海成虹梁

六月無風天欲雨赤龍銜火燒空宇亭亭檣蓋指扶桑

萬壑千崖冷無暑大椿可笑欺莊周便指千歲為春秋

使民若戰夏后社用汝當作商川舟自慚藤蔓纏林壑

未遂鷓鴣一枝樂盤桓已喜跨高寒更借扶搖薦鵬鶚

我聞處士方綢繆三友簡在公寧留蒼姬已託大夫蔭

赤子願陪丞相遊

過大脊山

百峯橫碧版橋西眼力增明步武遲紅映竹籬花笑客
翠翻雲暮雨催詩書還及第吾何塊廣不封侯子未思
凡物不齊皆有謂到頭忠義是男兒

熱

翠微家在大江東五月鞭驥入建中雲烈火車天欲雨
汗淹香葛扇無風不求殿閣千間庇却喜廉泉一線通
為汲滿盂清齒頰與君行盡夕陽紅

有感

欽定四庫全書

南宋名賢小集
卷二百四十三

十年憂患客江城雙鬢蕭蕭已不禁多病不逢醫國手
感懷徒有濟時心西風吹夢夜寒悄黃葉滿階秋意深
休笑當年杜陵老白頭今亦不勝簪

閨中賡趙丞韻

壯士不同兒女曹誰云賦性太麓豪一編韜畧進擒虎
十指絲綸學釣龍劍口不磨韓信血鼎心須刮食其膏
英雄多少不平氣一夜朔風爭怒號

秋宵有感

滿目秋容拂畫圖敗荷衰柳接平蕪西風刮地鴈聲落
寒月滿天人影孤木耳有才持紫囊楮皮無計換青蚨
不知此去功名事還許封羹見也無

過羊腸嶺

拂面東風吹夕陽路蟠千折過羊腸山疑隨馬回回見
花欲撩人故故香世路與誰分曲直人情於我自炎涼
何當更上風烟上為把窮途問彼蒼

宿橫溪橋

欽定四庫全書

南宋名賢小集
卷二百四十三

夜宿橫溪烟霧間蒼頭歸路萬山攢連天麥浪波千頃
撲地揚花雪一團餘鏹不供春後醺夾衾猶怯夜來寒
征夫莫怪車音澀自是愁多行路難

初抵富沙

芳草不隨春水綠連山猶帶夕陽明人生有酒且行樂
休向河梁問子卿
鞭鐙兩三千里路樓臺數十萬人家長虹不吸秋江水
一夜扁舟懸雪花